

# Խորհրդի անդամների և Խորհրդի նախագահի վարձատրության կառուցվածք

## 1. Ընդհանուր սկզբունքներ

Այս Վարձատրության կառուցվածքը սահմանված է ՀՀ Կորպորատիվ կառավարման կանոնագրի և շուկայական լավագույն փորձին համաձայն: Այն նպատակ ունի ապահովել, որ Խորհրդի վարձատրությունը:

- արտացոլի Խորհրդի անդամների դերերը, պարտականությունները և ժամանակային ներգրավվածությունը.
- նպաստի որակորավորված և անկախ անդամների ներգրավմանն ու պահպանմանը.
- մնա համաչափ ու հավասարակշռված՝ երաշխավորելով Խորհրդի անկախությունը.
- ապահովի արդարացիություն և կայունություն բոլոր անդամների համար.
- համահունչ լինի Բանկի երկարաժամկետ ռազմավարությանը և ԲՍԿ չափանիշներին.
- հաշվի առնի շուկայական չափանիշները, մասնավորապես՝ Արևմտյան Եվրոպայի միջին չափի ընկերությունների համար գործող Եվրոպական համապատասխան ստանդարտները:

## 2. Խորհրդի նախագահի վարձատրությունը

Խորհրդի նախագահի վարձատրության մակարդակն արտացոլում է տվյալ պաշտոնի հետ կապված էականորեն ավելի լայն պատասխանատվությունը, առաջնորդող դերը, համակարգման գործառույթները և ավելի շատ ժամանակի հատկացումը:

Խորհրդի նախագահի տարեկան ընդհանուր վարձատրությունը որևէ ֆինանսական տարում չպետք է գերազանցի 80,000,000 (ութսուն միլիոն) ՀՀ դրամը՝ ներառյալ բոլոր հարկերը և տուրքերը: Այս սահմանաչափը չի ներառում այն գումարները, որոնք վճարվել են Խորհրդի նախագահին մինչև սույն կառուցվածքի ուժի մեջ մտնելու օրը:

## 3. Վարձատրության բաղադրիչներ

Վարձատրության բոլոր նշված չափերը ներառում են հարկերը:

### 3.1. Մասկանցության վճարներ

Խորհրդի նախագահը և Խորհրդի անդամները վարձատրվում են Խորհրդի նիստերին, ռազմավարական հարցերով քննարկումներին և Հանձնաժողովների նիստերին մասնակցության համար՝ ստորև ներկայացված աղյուսակի համաձայն: Սահմանված չափերը ներառում են բոլոր կիրառելի հարկերը և տուրքերը:

Մասնակցության վճարներ	Ոչ ռեզիդենտ	Ռեզիդենտ
Խորհրդի նիստեր և ռազմավարական հարցերով	2,000 ԵՎՐՈ յուրաքանչյուր նիստի համար	850,000 ՀՀ դրամ յուրաքանչյուր նիստի համար

հանդիպումներ		
Հանձնաժողովի նիստեր	1,250 ԵՎՐՈ յուրաքանչյուր նիստի համար	530,000 ՀՀ դրամ յուրաքանչյուր նիստի համար

### 3.2 Հաստատուն վճար

Հաստատուն վճարներն արտացոլում են լրացուցիչ պարտականությունները, ներառյալ՝ առաջնորդությունը, համակարգումը և աշխատանքային ծավալի ավելացումը:

#### Հանձնաժողովի նախագահներ

Հաստատուն վճարի եղանակ	Ոչ ռեզիդենտ	Ռեզիդենտ
Եռամսյակային հաստատուն վճար	5,000 ԵՎՐՈ յուրաքանչյուր եռամսյակ	2,125,000 ՀՀ դրամ յուրաքանչյուր եռամսյակ

#### Խորհրդի նախագահ

Հաստատուն վճարի եղանակ	Ոչ ռեզիդենտ	Ռեզիդենտ
Եռամսյակային հաստատուն վճար	25,000 ԵՎՐՈ յուրաքանչյուր եռամսյակ	10,625,000 ՀՀ դրամ յուրաքանչյուր եռամսյակ

### 3.3 Ճանապարհածախսի փոխհատուցում

Ճանապարհածախսի փոխհատուցումը տրամադրվում է ճանապարհորդության հետ կապված ժամանակի և ծախսերի հատուցման նպատակով: Գումարը վճարվում է Խորհրդի անդամին և չի ներառում կեցության ու տրանսպորտային ծախսերը:

Փոխհատուցման եղանակ	Ոչ ռեզիդենտ	Ռեզիդենտ
Ճանապարհածախսի փոխհատուցում	2,000 ԵՎՐՈ յուրաքանչյուր ճանապարհորդության համար	850,000 ՀՀ դրամ յուրաքանչյուր ճանապարհորդության համար

Բանկը նաև հոգում է կեցության և տրանսպորտային ծախսերը՝ Բանկի Խորհրդի կամ Խորհրդի հանձնաժողովների աշխատանքի հետ կապված այցերի ընթացքում:

### 3.4 Շնորհակալական պարգևավճար (հայեցողական)

Իրավասությունների ժամկետի ավարտին Խորհրդի նախագահին և Խորհրդի անդամներին կարող է տրամադրվել հայեցողական շնորհակալական վճար.

- Ստանդարտ սահմանաչափ: 2,000,000 ՀՀ դրամ
- Առավելագույն սահմանաչափ (բացառիկ դեպքերում): 4,000,000 ՀՀ դրամ

Պարգևավճարը պայմանագրային չէ, հիմնված չէ կատարողականի վրա և տրամադրվում է Խորհրդի հայեցողությամբ: Այն չի ստեղծում նախադեպ և ենթակա է պաշտոնական հաստատման Խորհրդի կողմից: